

Subject :	GlobalTRONICS 2008
Publication :	Berita Harian Online
Date :	10 September 2008
Type of Article:	GlobalTRONICS 2008 News
Address :	http://cyberita.asia1.com.sg/singapura/story/0,3617,126483,00.html
Tone :	Positive



Sektor Elektronik Setempat Dijangka Pulih Jika Produk Baru Diperkenal

By Suryani Omar, Berita Harian Online – 10 September 2008

<http://cyberita.asia1.com.sg/singapura/story/0,3617,126483,00.html>

KELEMAHAN dalam sektor elektronik di Singapura akan pulih sekiranya keyakinan pengguna, terutama sekali di Amerika Syarikat, pulih dan jika barangan elektronik baru diperkenalkan, kata Menteri Negara Kanan (Perdagangan dan Perusahaan), Encik S. Iswaran.

Ditemui selepas pelancaran pameran elektronik GlobalTRONICS di Pusat Konvensyen Suntec City semalam, Encik Iswaran berkata kelemahan sektor tersebut disebabkan kelemahan ekonomi sejagat dan permintaan lemah daripada Amerika Syarikat.

'Berapa lama kelemahan ini akan berterusan agak payah dipastikan.

'Tetapi produk baru akan memacu sektor ini, dan apa yang harus dilakukan ialah mencari produk baru yang inovatif,' kata Encik Iswaran.

Menyentuh saingan yang dihadapi Singapura, Encik Iswaran berkata negara ini harus menekankan teknologi dan bukan bersaing dari segi kos.

'Dengan timbulnya lokasi perkilangan kos rendah, penyedia khidmat perkilangan elektronik di Singapura juga telah berubah, daripada membekalkan komponen produk kepada kegiatan nilai tambah lebih tinggi seperti reka hias produk, logistik dan pengurusan rangkaian bekalan,' jelas Encik Iswaran.

Beliau memberi contoh Venture Corporation yang mempunyai operasi reka hias di sini dalam sistem mekanikal dan elektronik serta pembangunan sofwe.

Sektor elektronik merupakan antara sektor penting dalam perkilangan.

Tahun lalu, eksport produk elektronik merupakan 45 peratus daripada eksport keseluruhan Singapura.

Sektor tersebut menyumbang \$73 bilion kepada ekonomi negara dan menggajikan 90,000 pekerja.

Pameran GlobalTRONICS berlangsung sehingga Jumaat ini dan disertai lebih 500 syarikat dari 28 negara.

Ia dijangka menarik 3,200 pelawat antarabangsa.